

Broj: 02-19-1-1570/21-10
Sarajevo, 27.06.2022. godine

U skladu sa čl. 69. stav 1. tačka b) i 70. Zakona o javnim nabavkama BiH («Sl. glasnik BiH» broj: 39/14) i preporukom Komisije za nabavke broj: 02-19-1-1570/21-9 od 27.06.2022. godine, Federalno ministarstvo prostornog uređenja, d o n o s i:

ODLUKU

o poništenju postupka nabavke usluga:
„Izrada Regulacionog plana Historijskog urbanog krajolika Mostar“

Član 1.

Poništava se postupak izbora najpovoljnijeg ponuđača za nabavku usluga - „Izrada Regulacionog plana Historijskog urbanog krajolika Mostar“, po Obavještenju o nabavci broj: 1290-1-2-14-3-2/22, objavljenom na Portalu javnih nabavki 03.06.2022. godine.

Član 2.

Komisija za nabavke se zadužuje da izvrši korekciju tendersku dokumentaciju i pripremi tendersku dokumentaciju za provedbu ponovljenog postupka predmetne nabavke.

Član 3.

Odluka stupa na snagu danom donošenja.

OBRAZLOŽENJE

Rješenjem, broj: 02-19-1-1570/21-8 od 27.06.2022. godine, djelomično je usvojena žalba Ponuditelja „CADORO-ING“ d.o.o. Mostar, izjavljena na tendersku dokumentaciju u otvorenom postupku javne nabavke usluge: „Izrada Regulacionog plana Historijskog urbanog krajolika Mostar“, po obavještenju o nabavci broj: 1290-1-2-14-3-2/22, koje je objavljeno na Portalu javnih nabavki dana 03.06.2022. godine i poništen predmetni postupak.

Slijedom navedenoga, Komisija za javne nabavke je, u skladu sa čl. 69. stav 1. tačka b) i 70. Zakona o javnim nabavkama, u vezi sa članom 100. stav 3. Zakona o javnim nabavkama BiH («Sl. glasnik BiH» broj: 39/14), predložila federalnom ministru da se Odlukom poništi predmetni postupak javne nabavke. Razlog poništenja postupka javne nabavke u ovom predmetu jeste nemogućnost da se u propisanom žalbenom roku od pet dana provedu sve radnje potrebne za postupanje po usvojenim žalbenim navodima.

Imajući u vidu gore izneseno, odlučeno je kao u dispozitivu rješenja.

Pouka o pravnom lijeku: Svaki ponuđač koji smatra da je Ugovorni organ ovim aktom prekršio jednu ili više odredbi ZJN BiH i/ili podzakonskih akata, ima pravo uložiti žalbu. Žalba se, putem Ugovornog organa, izjavljuje Uredu za razmatranje žalbi Bosne i Hercegovine u roku od 10 dana od dana prijema ovog akta.

Dostaviti:

1. Ponuditeljima
2. Evidenciji
3. A/a


MINISTAR

Josip Martić